

Broj: 03-04-991-7/22
Sarajevo, 26.08.2022. godine

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku
n/p gosp. Damiru Mašiću, zastupniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO


Primljeno: 26-08-2022			
Org. jed.	Broj	Priloga	Vrijednost
05/1	- 02 -	223	22

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u privitku Vam dostavljam akt Federalnog ministarstva trgovine, broj: 01-02-720/22 od 19. kolovoza 2022. godine, koji se odnosi na zastupničko pitanje zastupnika Damira Mašića.

S poštovanjem,


TAJNIK VLADE
mr. sc. Edita Kalajdžić

Privitak: kao u tekstu

Broj: 01-02- 720 /22
Mostar, 19.08.2022. godine

BOSNA I HERCEGOVINA
FEDERACIJA BOSNE I HERCEGOVINE
VLADA

n/p mr.sc. Edita Kalajdžić, sekretar

SARAJEVO
Ul. Hamdije Čemerlića broj 2

BOSNA I HERCEGOVINA FEDERACIJA BOSNE I HERCEGOVINE VLADA Sarajevo			
PRILOG: 24.8.2022			
Organizaciona jedinica	Klasifikaciona oznaka	Redni broj	Broj priloga
03-04-991-7		7	1022

Predmet: Odgovor na zastupničko pitanje Damira Mašića, dostavlja se
V e z a: Vaš akt broj: 03-04-991-7/2022 od 01.08.2022. godine

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), u prilogu Vam dostavljamo tri primjerka odgovora na zastupničko pitanje koje je na 35. redovnoj sjednici Zastupničkog doma Parlamenta Federacije Bosne i Hercegovine, održanoj 26.7.2022. godine, postavio zastupnik Damir Mašić, uz molbu da isti dostavite zastupniku.

S poštovanjem,

Prilog: kao u tekstu

21
MINISTAR
Zlatan Vujanović

Dostaviti:

- Naslovu
- Sektoru za cijene i analizu tržišta
- a/a

Broj: 01-02-720 /22

Mostar, 19.8.2022. godine

**BOSNA I HERCEGOVINA
PREDSTAVNIČKI DOM PARLAMENTA
FEDERACIJE BOSNE I HERCEGOVINE**

**n/p g. Ivan Miličević, tajnik/sekretar Zastupničkog/Predstavničkog doma
n/r g. Damir Mašić, zastupnik**

**UI. HAMDİJE KREŠEVLJAKOVIĆA 3
710000 S A R A J E V O**

Predmet: Odgovor na zastupničko pitanje zastupnika Damira Mašića, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10 i 39/20), na 35. redovnoj sjednici Predstavničkog doma Parlamenta Federacije BiH održanoj 26.7.2022. godine zastupnik Damir Mašić postavio je sljedeće pitanje: „Šta je to što Vlada kao najviši izvršni organ u Federaciji BiH radi kako bi pomogla građanima u vrijeme enormne inflacije, poskupljenja svega i svačega, rekordnih cijena svega živog pogotovo osnovnih životnih namirnica, naftnih prerađevina itd?“, u skladu sa svojim nadležnostima Federalno ministarstvo trgovine daje sljedeći:

O D G V O R

Federalno ministarstvo trgovine u skladu sa Zakonom o federalnim ministarstvima i drugim tijelima federalne uprave vrši upravne, stručne i druge poslove iz nadležnosti Federacije BiH koji se odnose na trgovinu, funkcioniranje jedinstvenog tržišta, utjecaj privrednog sistema i ekonomske politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom.

U skladu sa Zakonom o kontroli cijena u cilju zaštite ekonomskih interesa potrošača i onemogućavanja sive ekonomije Federalno ministarstvo trgovine poduzelo je niz mjera i aktivnosti koje su imale za cilj regulaciju tržišta, cijena i prometa životnih namirnica i drugih proizvoda i naftnih derivata. S tim u vezi, Vlada Federacije BiH

usvojila je prijedlog Federalnog ministarstva trgovine od 31.3.2021. godine i na svojoj sjednici održanoj **01.04.2021. godine donijela sljedeće odluke:**

- Odluku o propisivanju mjera neposredne kontrole cijena utvrđivanjem maksimalne visine marži za naftne derivate („Službene novine Federacije BiH“, broj 26/21);
- Odluku o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije BiH“, broj 26/21) i
- Odluku o izmjeni odluke o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije BiH“, broj 28/21).

Napominjemo, da je Predstavnički dom Parlamenta Federacije BiH na 20. redovnoj sjednici održanoj 30.03.2021. godine donio Zaključak kojim je u tački 1. i 2. zatraženo utvrđivanje marži u trgovini naftnih derivata i trgovini životnih namirnica i osnovnih higijenskih proizvoda, a **Federalno ministarstvo trgovine je, radi postupanja u skladu sa nadležnostima, dana 15.4.2021. godine zaprimilo** navedeni Zaključak, broj: 01-02-253/21 od 02.04.2021.godine.

Nadalje, Predstavnički dom Parlamenta Federacije BiH je na svojoj 21. redovnoj sjednici održanoj 27.04.2021. godine održanoj dana 28.04.2021. godine razmatrao i primio na znanje Informaciju o donošenju odluka o propisivanju mjera neposredne kontrole cijena proizvoda od interesa za Federaciju. Dana 28.06.2021. godine Dom naroda Parlamenta Federacije BiH je u nastavku svoje 11. sjednice također primio na znanje navedenu Informaciju.

Nakon donošenja gore pomenutih Odluka Federalno ministarstvo trgovine je u kontinuitetu pratilo kretanje cijena, odnose ponude i potražnje na tržištu, kao i efekte propisanih mjera neposredne kontrole cijena.

Ističemo da su Prijedlozi zaključaka u informacijama koje je Federalno ministarstvo trgovine dostavljalo Vladi Federacije BiH u kontinuitetu sadržavali zaduženja Federalnoj upravi za inspekcijske poslove da u saradnji sa kantonalnim upravama za inspekcijske poslove i kantonalnim inspekcijskim organima, intezivira inspekcijsku kontrolu primjene donesenih Odluka.

U skladu sa navedenim, prema sublimiranim rezultatima federalnog tržišnog inspektorata Federalne uprave za inspekcijske poslove od početka 2022. godine do 31.5.2022. godine po pitanju kontrole implementacije navedenih Odluka federalni tržišno, turističko-ugostiteljski inspektori izvršili su 326 inspekcijskih nadzora u kojima je utvrđeno 148 nepravilnosti, što podrazumijeva izdavanje 288 prekršajnih naloga s finansijskim teretom od 279.750,00 KM.

Prema dostavljenim i nepotpunim podacima koje su dostavili kantonalni inspekcijski organi po pitanju kontrole cijena osnovnih životnih namirnica i naftnih derivata, kantonalni tržišni inspektori su od januara do aprila 2022. godine izvršili 2.078

inspekcijskih nadzora, povodom kojih je predviđeno izdavanje 717 prekršajnih naloga s finansijskim teretom od 502.700,00 KM.

Ističemo, da Federalno ministarstvo trgovine kako smo i ranije naveli u kontinuitetu prati kretanje cijena, odnose ponude i potražnje na tržištu, kao i efekte propisanih mjera neposredne kontrole cijena, te predlaže Vladi Federacije BiH odgovarajuće mjere neposredne kontrole cijena.

S poštovanjem,

**MINISTAR**
Zlatan Vujanović

Dostaviti:

- Naslovu
- Sektoru za cijene i analizu tržišta
- a/a

Broj: 01-04-13-01569/2022
Sarajevo, 08.08.2022.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
ZASTUPNIČKI DOM

n/p- tajnik – Ivan Miličević

veza vaš akt. broj: 05/1-02-223/22 od 27.07.2022.godine

n/p–zastupnik Damir Mašić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
SEKRETARIJAT VLADE

n/p- sekretarka- mr.sci. Edita Kalajdžić

veza vaš akt. broj: 03-04-991-7/22 od 01.08.2022.godine



PREDMET: Odgovor na zastupničko pitanje, dostavlja se

Poštovani,

Federalna uprava za inspekcijske poslove zaprimila je dana 04.08.2022.godine akt/e gornji broj, koji je zastupničko pitanje koje je federalni zastupnik Damir Mašić, postavio na 35.redovnoj sjednici Zastupničkog doma Parlamenta Federacije Bosne i Hercegovine, održanoj dana 26.07.2022.godine.

Naime, zastupnik je zatražio da se pošalje pismena informacija šta Vlada Federacije BiH kao najviši izvršni organ u Federaciji radi da bi pomogla građanima u vrijeme enormne inflacije, poskupljenja svega i svačega, a pogotovo osnovnih životnih namirnica, i naftnih derivata. Zatražio je da mu Federalna uprava za inspekcijske poslove prezentira podatke o kontrolama na tržištu i stvarnim cijenama, ukratko o poštivanju mjera u vezi Odluka o visini marži koje su usvojene i koje su na snazi.

U pripremi za odgovor na konkretno zastupničko pitanje, konsultovani su podatci Federalnog tržišnog inspektorata.

Od donošenja odluka Vlade Federacije Bosne i Hercegovine o neposrednoj kontroli cijena propisivanjem maksimalne visine marži za 17 grupa pojedinih osnovnih životnih namirnica i drugih proizvoda, te naftne derivate u aprilu 2021. godine, federalni i kantonalni tržišni

inspektorati su, prema dostupnim podacima, izvršili **5.067 inspekcijskih nadzora** nad formiranjem cijena 17 grupa pojedinih osnovnih životnih namirnica i drugih proizvoda, te naftnih derivata u skladu s ograničenim maržama propisanim odlukama Vlade FBiH.

U nadzorima su utvrđene nepravilnosti koje podrazumijevaju izdavanje najmanje **1.523 prekršajna naloga** s finansijskim teretom od najmanje **1.114.502,00KM**, a subjektima nadzora kod kojih su uočene manje nepravilnosti izrečeno je **456 rješenja o otklanjanju nedostataka**.

Najveći broj inspekcijskih nadzora izvršili su tržišni inspektori Srednjobosanskog kantona, Kantona Sarajevo, Hercegovačko-neretvanskog kantona, Zeničko-dobojskog kantona i Federalne uprave za inspekcijske poslove, gdje je utvrđen i veći broj nepravilnosti.

Najveći broj prekršajnih naloga (424) s finansijskim teretom od 408.650,00KM izdali su federalni tržišni inspektori FUZIP.

Od donošenja pomenutih odluka Vlade FBiH, inspekcijski organi u FBiH - Federalna uprava za inspekcijske poslove, kantonalne uprave za inspekcijske poslove i inspektorati pri nadležnim minsitarstvima u HNK i SBK, intenzitetom srazmjernim poremećajima na tržištu i pojavi inflacije vrše kontinuirane kontrole provođenja mjera i odluka u službi zaštite potrošača i ugroženog životnog standarda stanovništva, te stabilizacije tržišta.

Shodno tome, inspekcijski organi u Federaciji BiH, u skladu s raspoloživim kapacitetima i sredstvima inspekcijskog djelovanja, ulažu maksimalne napore da odgovore i suzbiju zloupotrebe poremećaja tržišta uzrokovane krizom od strane privrednih subjekata u svrhu sticanja ekstraprofita. **Nažalost, inspekcijski nadzori ne mogu biti i sredstvo suzbijanja ili sprječavanja opće inflacije i poremećaja, u smislu enormnog rasta cijena na globalnom tržištu.**

Rezultati nadzora inspekcijskih organa u FBiH nad formiranjem cijena i marži

KONTROLA CIJENA	INSPEKCIJSKI NAZORI	PREKRŠAJNI NALOZI	IZNOS PREKRŠAJNIH NALOGA
Federalni tržišni inspektorat (april 2021. - juni 2022. godine)	743	424	408.650,00KM
Kantonalni inspekcijski organi (<i>minimalno, prema raspoloživim podacima</i>) (april 2021. - juni 2022. godine)	4.324	1.099	705.852,00KM
<u>UKUPNO</u> - prema raspoloživim podacima	5.067	1.523	1.114.502,00KM

Od ukupnog broja nadzora prikazanih u tabeli, Federalni tržišni inspektorat Federalne uprave za inspekcijske poslove izvršio je **743 inspekcijska nadzora**, u kojima su evidentirani prekršaji koji podrazumijevaju izdavanje **424 prekršajna naloga s finansijskim teretom od 408.650,00KM**.

Još od vremena pandemije i potrebe za pojačanim unutrašnjim nadzorima u oblasti kontrole cijena, rad Federalnog tržišnog inspektorata, zbog ograničenih kapaciteta nužno uključuje prekovremeni angažman, kao i rad u neradne dane, a kako bi se adekvatno odgovorilo na kontinuiranu krizu i njene ekonomske efekte.

Nadalje, samo u 2022. godini, ova Uprava je na svojoj web stranici objavila 21 saopćenje za javnost vezano za postupanje Federalnog tržišnog inspektorata u kontroli marži, kao i spiskove subjekata koji prometuju naftom i naftnim derivatima koji su zatečeni u prekršaju (po zaduženju Predstavničkog doma Parlamenta FBiH), te smo blagovremeno odgovorili na desetine medijskih upita vezanih za tu temu kao i ostvarili značajan broj TV gostovanja i javljanja u programe radio stanica. Također je bitno napomenuti da Federalna uprava za inspekcijske poslove konstantno i kontinuirano prikuplja podatke od kantonalnih uprava za inspekcijske poslove i inspekcijskih organa, kako bi javnost, ali i drugi relevantni organi vlasti, imali cjelovitu informaciju o djelovanju svih inspekcijskih organa u FBiH u smislu provođenja nadzora po odlukama Vlade FBiH.

Analizom efekata izvršenih nadzora utvrđeno je da je u junu 2022. godine, došlo do pada broja subjekata u prekršaju (**19,35%** prometnika naftnim derivatima i **37,50%** prometnika prehrambenim i drugim proizvodima) u odnosu na mart, april i maj, kada je u prosjeku između 40 i 50% kontrolisanih subjekata zatečeno u prekršaju.

Imajući u vidu moguće posljedice nekontrolisanog rasta cijena na kvalitet života i standard građana, inspekcijski organi u Federaciji BiH nastavljaju sa kontinuiranim kontrolama pravilnosti formiranja cijena, kod subjekata koji se bave trgovinom artiklima koji su obuhvaćeni pomenutim Odlukama Vlade Federacije BiH.

S poštovanjem,

Dostavljeno:

- 1 x tajnik- Ivan Miličević
- 1 x zastupnik Damir Mašić
- 1 x generalna sekretarka Vlade FBiH – mr. sci. Edita Kalajdžić
- 1 x a/a



M.P

DIREKTOR

Mr. Anis Ajdinović